

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第二八九號

據

清光緒二年
孫炳焜纂修
刊本

影印

湖 南 省

會同縣志

(一)

成文出版社有限公司印行



中國方志叢書·華中地方·第二八九號

據 清光緒二二年刊本
清光緒二二年刊本
孫炳煜纂修

影印


湖 南 省

會 同 縣 志

(二)

5/556/03

成文出版社有限公司印行



892



10097105

中國方志叢書·華中地方·第二八九號

據

清光緒二十二年刊本
清孫炳燧纂修

影印

湖北省

會同縣志

(三)

成文出版社有限公司印行

sk5663
89/9575



docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二八九號

據

清光緒二十二年刊纂本
清孫炳煜纂修

影印

湖北省

會同縣志

(四)

5/95/03

成文出版社有限公司印行



中華民國六十四年 月壹一版

會同縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修會同縣志序

古無所謂志也然禹貢紀九州名山形勝水道原委
以及田土賦貢物產之等則國風驗列國風俗盛衰
政治得失皆爲後世志乘之權輿焉論者謂楚風不
入葩經以屈子楚辭補之然周南之江漢汝濱非卽
後之楚域乎鬻熊爲文王師非楚之人物乎楚檮杌
與魯春秋孟子以爲一也其不與春秋並傳者未經
聖人筆削之故然未聞孔子有辭書社之封可見普
天率土大聖人物與民胞一同仁視楚享國旣久三
戶亡秦之謠詠名秦亡楚寶楚亡秦則楚之富強甲
於天下誰謂不然或曰子所云乃概論全楚大局非

所論於一都一邑也若會同僻處遐陬夜郎故地地瘠民貧風俗頽壞尙能與省會抗衡乎答曰邊隅遜省會各省各邑皆然然十步之澤尙有芳草提封百里豈無膺後先疏附之選天之降才有或殊哉會同奉文重修志乘爲採入省志之資蓋匯邑志以成省志未嘗以會邑僻陋遐荒非聲名文物之邦遂棄置不問也余承乏於茲會逢其適竊維氣運有升降風俗有轉移道德一風俗同氣運自蒸蒸日上是在宰斯邑者善爲主持拊循耳會邑在省垣西南距省千二百里論分野自張十七度至軫十一度爲鶉尾論疆域腹地分爲二十二里東南廣共二百二十里南

北表共百里西南接壤黔之天柱縣幅員遼闊如此
論沿革在夏爲荊州之域周末時皆隸於楚秦爲黔
中秭漢爲武陵秭尋改爲牂牁三國時隸於蜀晉復
武陵秭隋置沅陵秭唐爲朗溪縣宋改爲會同縣屬
靖州

國朝雍正八年以會同爲靖州首邑其制始定論水道
則發源粵西經流靖州所屬通道繞靖州入縣治南
五里之渡頭河北匯朗水沅水芷水至洪江經下游
辰州入洞庭其源遠者其流自長論名勝則有天馬
金龍之奇特沅江朗水之灤洞雪峯華峯有前賢魏
文靖題咏之詩手植之桂白社山爲詩人李青蓮結

社遺踪能醫腹病者更有葛仙井其地靈者其人多
傑故鍾靈毓秀梗楠杞梓代有聞人如忠孝廉節之
懿行嘉言博學通儒之宏篇鉅製指不勝屈皆載入
人物列女藝文諸門可考而知論風俗則男耕婦爨
衣服飲食節省樸實有唐魏勤儉風與省會彬彬文
質者有異田賦可爲惟正之供物產足濟列邦之用
士食舊德農服先疇夫何讓於他邑且會之洪江乃
五溪中之雄溪出入滇黔通衢商賈輻輳如竹木茶
桐及一切貨物雖未必盡產於本地而由上游必經
百貨叢集尤爲閩邑精華諸侯時見曰會殷見曰同
會同之名良不虛也縣治距洪江百二十里市廛遠

不及焉縣城建自宋時不在洪江而在此地者以此地逼近天柱爲控制黔界保障立法未始不善迨後黔氛不靖撓及楚疆兩失縣城兵燹後城郭人民非復舊觀可見制治保邦在成城眾志不在表裏山河也今黔氛雖云粗定而伏莽仍未淨除腹地仍難安枕籌邊之策不能不講勿以鄰國爲壑尤勿以腹地納污至若衙署廟宇書院汎地之久廢或草草修而未竣或全未舉修瘡痍未復故爾遲遲宜籌及之此固膺民社之責亦在地方強而有力者爲之提綱挈領庶集腋成裘眾擎易舉矣自前任開局以來主稿有人採訪有人繪圖有人繕書有人警校有人監工

有人遴選都人士之錚錚者各司其事以歸責成而
昭覈實今閱稿本分門別類綱舉目張每門各立小
序視嘉慶己卯纂修舊志或增或刪或詳或畧無徵
不錄有美必彰今昔情形各殊新舊體制自別既可
徵一邑之文獻卽可供省志之取裁焉志中梗概發
凡起例舊序新序皆詳無俟更僕若鄙會邑風土人
情爲卑卑不足道未免輕量天下人物故辯及之亟
付剞劂告厥成功

光緒元年歲次乙亥季秋月滎陽孫炳煜識

會同縣志舊序

邑之有乘邑之華也粵自文治既啟日盛月新志乘之作所以文其地也我

朝文教誕敷車書萬里版圖所訖罔不競陳盛美輯爲成書上貢

天庭以供垂采此天下之大文也予奉

命刺靖於今五年靖之屬邑會爲長水帶朗雄而石榴金龍諸峯高聳雲表澄流秀峙實毓多英乾隆癸酉以前前志具矣逮今茲幾七十年山川不改人事日增使無通曉時務者起而續之遺留之掌故就湮故老之傳聞莫考一邑政典不幾委諸荒煙蔓草乎時方

伯鳳西先生詳奉大府檄修南省通志以其事下各
郡縣會宰丁蔚兩君未及舉行先後去任戊寅春吾
杭朱君澍來權斯篆汲汲以茲爲急務謀之邑人釀
金集事將脫稿適謝篆長樂陳君心炳踵至繼加參
訂乃奏厥成繕本屬_予敘之_予維志家類皆自定規
模各出機杼故能縱橫馳騁上下古今茲款目則遵
奉發之格式事實則据本邑之有無以事就目欲遷
地以爲良以目統事必片言而居要經營衡劑備運
匠心不存五日京兆之見冀成千秋不朽之業亦賢
矣哉陳君踵事玉成克竟厥緒不賢而能之乎語曰
莫爲之前雖美弗彰莫爲之後雖盛弗傳_予旣樂是

書之成且以嘉兩君之志於是乎書

嘉慶二十有四年歲次己卯冬十月中澣之五日

欽加知府銜

誥授朝議大夫知湖南靖州直隸州事仁和諸嘉杏譔

舊序

嘉慶己卯

邑令

朱樹

嘉慶戊寅春予權會同甫視事奉大府檄促修邑乘
吏以牘進則已厚盈數寸閱之蓋自丙子以來前尹
丁蔚兩君頻奉文檄摒擋未有端竊自維念兩君子
以儒術飾吏治且久於其職獲上而信民其所就尙
若是予不敏懼無以副大府命既又思之邑之有乘
政教之大者重以大府命且數年於茲予又何敢以

不敏辭謀之邑廣文夏君湘漁羅君軫埜少尉陸子
錦園以共謀於邑紳若士若民僉曰邑志曠經六十
餘年義不可已現修通志詎闕一邑又勢不能已事
在吾儕其將奚辭於是奔走僭來釀有成數開館舍
慎採訪館之中有總纂分纂校錄典費若而人採訪
則二十有二里里各一籍籍各三數人分之則不勞
彙之則無漏釀花作蜜集腋爲裘庶幾計日而觀厥
成矣會卸篆不克卒業長樂陳君葭塘學而優者也
加意督催精心考訂以竟予將竟之業而予以勾稽
代務未能卽舍父老去遂得目覩是書之成獲免有
初鮮終之憾以無負大府命此邑人之幸實予之幸

也予不敏不敢以文自見祇紀其原委如此乾隆癸酉于公文駿修邑志甫脫稿旋引疾涪州陳公于宜踵成之後先昭合亦異事也併記之

舊序

嘉慶己卯

邑令

陳心炳

幅員曰既長土宇曰孔厚氣運所由興隆也我

國家重熙累洽

久道化成六合同風九州共貫讀一統志以及郡邑志猶歎盛哉誠爲前古所未有矣己卯夏四月余奉憲委署會邑甫視事吏卽以邑志進余細爲閱之竊歎夫會雖僻處南徼其被

德教之涵濡固已蒸蒸日上臻夫遵道遵路之休記事

docsriver 文川网
入驻商家 古籍书城

在文川网搜索古籍书城 获取更多电子书

者正不僅摘藻揚芬爲山川人物紀盛也繼而前任
晚湘朱君復以新志稿見示曰此遵大府所頒格式
本舊志而增修焉者也朱君素優於吏治舉一邑之
風土人情無不洞悉於胸中併得與諸君子上下其
議博採兼綜宜其編成卷帙有美畢具無德不彰也
至於門類所分間有採訪未確者則闕而不書不敢
以附會滋疑又何其慎也夫舊志修於數十年以前
事之積而日盛者咸有待以供甄錄於後人茲奉檄
續修省志而因以分修一邑之志俾三江紀載煥然
一新直與中州之文獻相頡頏願謂非厚幸耶余不
敏下車伊始適值新志之告成得以列名其上與有

榮焉且二十二里中若者當爲之興若者當爲之除
所以宜民而善俗者新志較詳於昔其爲吏治之助
豈淺鮮哉余其重有遭乎益以慶斯邑之遭也

原序

明嘉靖四十三年

邑令

蕭標

竊維郡邑之有乘其來久矣昭軌物該古今觀風者
所必采焉昔成王相宅於洛周公告以大懼典孔子
嘆杞宋之無徵亦以文獻不足故耳會同肇邑迄今
百餘年豈無故家遺俗流風善政可述可傳者但舊
無紀載末由稽考壬戌冬余自武康來莅茲土思考
究利病之原索志而無其簡喟然歎曰是余責也於
時奔馳之里甲方疲於衝繁藏修之雋土方病於無

所日惟補偏塞罅課業程工而未之遑今歲春蒐集
舊聞始得靖州志旣得前邑博邱君瑠遺稿後又得
太學生龍廷璽廷弼續錄州志邱君稿十存二三龍
君續錄要而弗詳而沿舊綴新統紀未一幸吾莆周
君希文博學敦行夙擅著作之才授經武陽因而延
致屬以秉筆更謀諸僚友韓君燿卿致仕唐君仁寶
廩生石子玉銘暨廷璽輩相與編次復與教諭董君
瑤訓導陳君世仁校正告成余見其敘事詳而有體
措辭巽而有法辯異正而不誣作而喜曰是可以志
吾會矣乃陳之上官壽之黎棗君子觀沿革志則思
守土之責匪輕觀分野志則思庶徵之驗不爽觀田

賦志則思祁寒暑雨之艱所欲與聚觀建置志則思
興作之重有舉莫廢觀風俗志則思革薄從忠必慎
所以感之者觀禮制志則思禮教之大觀於鄉而知
王道之易觀宦蹟人物志則思景行先喆培養善類
觀方外志則思崇正闢邪遵道遵路志之所繫大矣
願予非其人也願以俟後之君子

原序

國朝康熙癸丑

曹興隆

粵稽周禮職方氏掌邦國都鄙之圖太史陳詩納賈
與人負版籍而登民數郡縣之志義取諸此也余剖
符會邑甫近一載憲檄日下徵取邑乘以備南楚完
書值邑經兵燹之餘舊聞放逸問藏書於柱下猝無

以應余是以鯁鯁仰屋未幾而邑之紳士向秦灰魯
壁拾殘篇以進展視之乃知邑志自明嘉靖甲子纂
修後遂絕筆曠百餘載矣計此百年中天道人事物
情土宜不知凡幾變遷若非考覈精詳其能輯故增
新闕疑存信乎余公退之暇殫心編集凡天時地利
山川土田賦役圖籍以及官師食貨人物藝文之類
區別臚列其條理節目彙有端緒然猶慮辭不馴雅
意無統綜故敷辭命意必詳而有體異而有法庶不
至鄙倍也爰謀諸邑博楊君逢正協一乃心參補校
正仍屬邑紳士廣爲咨諏俾輿論僉同編次成帙旣
不徇諂耳之訛亦不執膠柱之見通變宜民參今酌

古進文獻爲望邑庶幾哉備

聖天子觀風采俗披輿圖而周知遐方之利病其在茲矣
閱兩月書成雖不謂引據經義續大書特書之筆而
一邑之鉅纖畢舉事旣云備而義亦寓於斯實旣云
核而治亦著於斯以志會同不亦可乎故書之以付
剞劂並以應上官之命

原序

邑令 于文駿

事之一本散爲萬殊萬殊同歸一本者舉凡天壤內
洪纖巨細莫不有是道以存乎其間方今

聖天子首出庶物萬國咸甯同軌同文車書一統尺地一
民要皆包涵覆載其一切山川貢賦疆圉分司附隸

版圖以爲天經地義垂諸億萬斯年而繼往開來於
弗替者則今之一統志是矣然一統志之所以成編
定集則又本諸各府州縣分司之疆圉彙而輯之故
志書之備未便於彈丸小邑置而弗講譬猶北辰之
樞眾星尾閭之匯百川其廣大狹隘雖判天淵而於
會源歸極之處因端見委則邑乘誠統志之萬殊統
志乃邑乘之一本也憶雍正甲寅歲先君子奉

命纂修

闕里志駿時隨侍幸窺

聖人堂陞恭覽先哲遺徽見其流風餘韻展卷神馳羹
如見因思古今千百年後之賴以不刊者志書實

國家之大政焉

闕里志旣成余亦就學都門丁巳歲忝與南宮

廷試後啣

命出宰直隸之唐縣旣丁生慈艱服闋赴楚始莅桃源旣
署巴陵甯鄉每下車輒披閱各志未嘗不往復流連
而嘆我

朝之政教雖遐陬遠谷靡不漸被暨訖其疆圉之大一
統而莫不尊親者誠三代以上聖帝明王之所未逮
也歲甲子承乏會同視事後卽擬將境內山川土田
民風習俗務得其詳爰取邑志覽之知康熙初邑令
曹君得於寅卯燹餘半屬殘篇斷簡維時斯民方登

衽席是以他務未遑幸曹君纂輯成篇獲存什一於千百雖卷帙不無混淆門類不無紛蹟或繁而未得其要簡而不見其該其時非不欲條達兼綜祇以頭緒茫茫無從措手曹君之志亦良苦矣茲當海宇奠安四民樂業徵文考獻其在斯乎且奉各上官檄飭重修予不敏竊祿十載於茲山川田賦土俗民情見聞所及頗無遺佚乃延邑紳梁君嘉瑜爲總理邑諸生唐舜林基嶽楊世灝唐守灼爲較訂其或從前未經編載或雖載未得其詳或土田之漸廣人文之日新一切應行補續者非考諸土著之家乘卽採諸道路之口碑極廣搜而博覽盡二載以經營既不敢繁

稱亦不敢草畧查核再三總期信今傳後將見賦廣
民殷齒繁風厚啟斯文以上佐

天子休明之治因以出爲

國家楨榦之材所謂人傑地靈又豈拘於偏隅小邑而
謂其不足以備統志之採擇也哉

原序

邑令 陳于宣

癸酉夏余捧檄來莅茲土欲考山川形勝人物風俗
城池賦役之詳而徵於邑乘則前大尹于君重修授
錢尙未訖事也越月趣之董事者曰河山其如故矣
惟前志距今八十年仰沐

聖朝雅化孝義節烈文物衣冠歲有其人值兩使君

格不合例而爭耀家聲者日聚訟於秉筆之門非公折中之伊於胡底予曰信然夫善善欲長本予素志竟聽其濫焉則穢史矣爰取前冊及續入新冊考之軼事訪之里老確有實據始行編載又半載厥功乃竣是役也前大尹暨諸紳士苦心圖成予何敢掠美然名物行誼諸條頗於去取間稍寓彰瘴俾後之都人士以及愚夫愚婦莫不爭自砥行礪名以期垂於不朽是予之所厚望也夫

重修會同縣志目錄

首卷

圖考

縣境圖

縣城圖

縣署圖

文廟圖

八景圖

卷一

方輿志

分野

沿革附年表

疆域

山水井附

卷二

建置志

docsriver 文川网
入驻商家 古籍书城

在文川网搜索古籍书城 获取更多电子书

城池
公署
壇廟
街坊
里村
市鎮附場墟
津梁

卷三

食貨志

戶口
田賦
起解
存留
屯田
雜稅
惠恤
物產

卷四

學校志

學宮

崇祀

欽頒附典籍

學額

書院

附學田

卷五

典禮志

朝賀

開讀

上任

迎春

耕籍

宣講

鄉飲

附養老

送學

賓興

講書

相見

卷六

秩祀志

廟祀

壇祀

祈禱

救護

家祭

附錄

目錄

十